



«Այբ կրթական հանգույց» հիմնադրամ  
Երևան 0052, Թբիլիսյան խճ. 11/11  
Հեռ.՝ +374 60 500 456, +374 94 546 498  
info@aybschool.am  
www.aybschool.am

## Համաշխարհային պատմության ուսուցիչ (միջին դպրոց)

[«Այբ» ավագ դպրոց](#) | Երկարաժամկետ

[Թբիլիսյան խճ. 11/11](#), Երևան, Հայաստան

Դիմումների ընդունման վերջնաժամկետը՝ **օգոստոսի 15**

## Մասնագիտական և անձնային պահանջներ

Մեզ կարող են դիմել այն բոլոր թեկնածուները, որոնք բավարարում են հետևյալ չափանիշներին.

- ունեն «պատմություն», «պատմության ուսուցիչ» մասնագիտացմամբ մագիստրոսի կամ դրան համարժեք այլ որակավորում.
- ունեն դասավանդվող առարկայի հիմնավոր գիտելիք, որը չի սահմանափակվում դասագրքային նյութով.
- տիրապետում են հայոց պատմության հիմնախնդիրների շուրջ գիտական դիսկուրսին և կարող են ուսուցման ընթացքում ապահովել թեմաների բազմատեսանկյուն ուսումնասիրություն.
- ունեն առաջնային և երկրորդային տարատեսակ աղբյուրների հետ (տեքստային, տեսողական և այլն) աշխատանքի, վերլուծական, քննադատական մտածողության հմտություններ և կարող են համապատասխան ուսումնական գործունեություն կազմակերպել՝ սովորողների համապատասխան հմտությունները ձևավորելու և զարգացնելու համար.
- կարողանում են ստեղծել ուսումնական նյութեր.
- տիրապետում են անգլերենին և կարող են օգտագործել այդ լեզվով համապատասխան մասնագիտական և մանկավարժական գրականություն.
- ունեն առարկան դասավանդելու գործնական հմտություններ և տիրապետում են արդի տեխնոլոգիաներին.
- ունեն ուսումնական հաստատությունում «համաշխարհային պատմություն» առարկայի դասավանդման ամռնվազն **երեք տարվա** փորձ.
- ուսուցչությունը համարում են իրենց կոչումը, իսկ կրթությունը՝ ոչ միայն անձ ձևավորելու, այլ նաև Հայաստանի Հանրապետության ապագան կերտելու գրավական.
- պատրաստակամ են մշտապես կատարելագործելու իրենց մասնագիտական և մանկավարժական կարողությունները՝ հետևելով մասնագիտական և մանկավարժական նորարարություններին ինչպես արտերկրում, այնպես էլ Հայաստանում.

- մանկավարժական գործունեություն իրականացնելիս ցուցաբերում են ստեղծագործական մոտեցում, վերլուծական մտածելակերպ և չեն խուսափում նորարարություններից.
- ունեն խմբի կազմում աշխատելու հմտություններ, համագործակցող են, ունակ են իրենց ներդրումն ունենալու ընդհանուր նպատակին միտված գործունեության մեջ,
- տիրապետում են իրենց աշխատանքի համար անհրաժեշտ համակարգչային ծրագրերին (օր.՝ Microsoft Office և այլն):

## Դիմելու կարգ

Բոլոր համապատասխան թեկնածուներին խնդրում ենք [vacancy@aybschool.am](mailto:vacancy@aybschool.am) էլիասցեին ուղարկել հետևյալ նյութերը՝

1. ինքնակենսագրություն (CV),
2. նամակ-հիմնավորում «Ինչու եմ ուզում դառնալ «Այբ»-ում ուսուցիչ» թեմայով (մեկ էջից ոչ ավելի),
3. «Ինչու է անհրաժեշտ դպրոցում պատմություն ուսումնասիրել» թեմայի շուրջ շարադրանք (մեկ էջից ոչ ավելի),
4. առարկայական ծրագրի թեմաներից մեկի հիման վրա դասարանի հետ աշխատանքի որևէ մշակում, որը պետք է պարունակի նպատակ և ակնկալվող վերջնարդյունքներ, ինչպես նաև դրանց միտված դասարանային աշխատանքային գործունեության որևէ նմուշ՝ աշխատանքային թերթիկ, առաջադրանք և այլն (նշված ձևաչափերից որևէ մեկով՝ MS Word, Power Point, Adobe PDF, Flash Video և այլն):

Խնդրում ենք փաստաթղթերը կցել նամակին և նամակի վերնագրում նշել Ձեր անուն-ազգանունը: Կոփտարկվեն դիմումների միայն ամբողջական փաթեթները:

**Հայտերն ընդունվում են մինչև 2019 թ. օգոստոսի 15-ը ներառյալ:** Նախնական ընտրություն անցած թեկնածուների հետ ծանոթանալու և մրցույթի հետագա փուլերը (գիտելիքի և հմտությունների ստուգում, փորձնական դաս) կազմակերպելու համար կկապվենք անձամբ՝ փաստաթղթերի ստացմանը զուգընթաց: **Խնդրում ենք չզանգահարել:**

**Խնդրում ենք նկատի ունենալ, որ այս կամ այն փուլը չանցած թեկնածուներին դպրոցն արձագանք չի տրամադրում:**

## Կազմակերպության մասին

«Այբ» դպրոցը բյուրեղացումն է հայ դպրության լավագույն ավանդույթների և համաշխարհային կրթության բարձրագույն նվաճումների: «Այբ»-ը սովորելու մշակութաստեղծ նոր միջավայր է, ուր ազգային հենքի վրա մշակվում են եզակի կրթական տեխնոլոգիաներ և փորձարկվում ժամանակակից կրթության բարձրագույն ձեռքբերումները՝ ի նպաստ հայկական կրթության մրցունակության բարձրացման:

«Այբ» դպրոցը ծնվել է կրթության դարաշրջանում, անընդհատ և արագորեն վերափոխվող աշխարհում՝ ուսյալ, սեփական ակունքներին հաղորդ և ապագայի պատասխանատվություն

ստանձնող սերունդ ձևավորելու անհրաժեշտությունից: «Այբ»-ը ծնվել է 21-րդ դարում՝ նպատակ ունենալով դառնալու 21-րդ դարի հայկական դպրոցի օրինակելի միջավայր: